

# Ersterwähnungsurkunde von Wessental vom 28. Dezember 1309

In nomine Domini Amen.

Nos Cunradus Dei gratia comes iunior de Behingen et domina Elizabet uxor nostra legitima recognoscimus et constare cupimus universis presentibus et futuris tenorem presentium inspecturis, quod nos de unanimi consilio et voluntate coadunata manu vendidimus, tradidimus ac dedimus, vendimus, tradimus ac damus per presentes religiosus viris abbati et conventui de Brunnebach ac eorum monasterio bona nostra infrascripta in Desingesazze, in Nazzahé et in **Wetzgintal** cum omnibus suis iuribus et pertinentiis quesitis et inquirendis, quocumque nomine censeantur, cum pleno rerum dominio pro centum et quinque libris hallensium numerate nobis pecunie et solute proprietatis titulo perpetuo possidenda, videlicet:

bona que colit Reinh. scultetus in Dsingesezze annuatim solventia iiii uncias hallensium in festo Walpurgis, x solidos hallensium in assumptione beate virginis et unum pullum carnisprivialem.

Item bona in Nazzahé que colunt Siboto filius Ricgardis et filius suus Koppelin annuatim solventia sex maltra siliginis tria avene et unum pullum carnisprivialem.

Item bona ibidem que colit Cunegundis Engelrichin annuatim solventia viii uncias hallensium in festo Walpurgis unam libram hallensium in assumptione beate virginis, viii uncias hallensium in purificatione beate virginis et unum pullum carnisprivialem.

Item bona que colunt Reinh. dictus Grening et Cunradus dictus Stutzil annuatim solventia vii uncias hallensium in festo Walpurgis, viii uncias hallensium in assumptione beate virginis, vii uncias hallensium in purificatione et unum pullum carnisprivialem.

Item bona ibidem que colit Reinhardus dictus Schuber annuatim solventia unam libram hallensium in assumptione beate virginis et unum pullum carnisprivialem.

Item bona ibidem que colit H. Koeser annuatim solventia i libram hallensium in assumptione beate virginis et unum pullum carnisprivialem.

Item bona ibidem que colit Jutta Hurnungin annuatim solventia iiii uncias hallensium in assumptione beate virginis.

Item bona que colit Guetela Brotbeckin annuatim solventia quatuor uncias hallensium in festo iam dicto et i pullum carnisprivialem.

Item bona que colit Berlint annuatim solventia ii solidos hallensium.

Item bona in **Wetzgintal** scilicet duo molendina que colunt et inhabitant Cunradus et Ebberlinus fratres annuatim solventia tria maltra siliginis iiii uncias hallensium et dimidiam in epiphania Domini et duos carnispriviales pullos.

Ad quorum predictorum bonorum omnium et singulorum Warandiam, que vulgo dicitur Warschaft, predictis abbati et conventui ac eorum monasterio faciendam secundum quod de bonis proprietariis fieri consuevit de consuetudine vel de iure nos ipsos obligavimus et obligamus bona fide per presentes.

Insuper renuntiamus exceptioni doli mali circumventionis ultram dimidiam iusti pretii exceptioni que dicit generalem renuntiationem non valere necnon omni auxilio iuris canonici vel civilis per quod dictus contractus posset annullari irritari vel vitiari in toto vel in parte.

In quorum predictorum omnium et singulorum argumentum evidens et munimen sigilla nostra presentibus sunt appensa.

Datum anno Domini millesimo trecentesimo nono quinto kalendas Januarii.